



Pou Piblikasyon Imedya: 21/04/2023

GOUVÈNÈ KATHY HOCHUL

GOUVÈNÈ HOCHUL ANONSE DEMARAJ PWOJÈ AMELYORASYON PAVE AK REYABILITASYON PON POU 61.8 MILYON DOLA NAN I-95 NAN BRONX AK KONTE WESTCHESTER

*Gen 11 pon ki dwe reyabilite ak de pon pou pyeton ke yo pral ranplase estrikti
siperè yo - sa k ap amelyore koridò vwayaj yo ki itilize pa 120,000 veyikil chak jou*

Yo prevwa travay la ap fini nan fen ane 2024 la

Gouvènè Kathy Hochul te anonse jodi a demaraj yon pwojè amelyorasyon pave pou 61.8 milyon dola sou yon twonson ki mezire 6 km nan New England Thruway I-95 nan Bronx ak nan Konte Westchester. Majorite travay la pral fèt nan Bronx epi li gen ladan reyabilitasyon 11 pon ak ranplasman estrikti siperyè yo - platfòm an beton ak travès an asye - nan de pon pou pyeton. Apeprè 120,000 viyikil itilize koridò sa a ke yo vwayaje anpil ladan chak jou.

"Eta New York pran angajman pou reyabilite enfrastrikti ki aje yo nan kominote yo ki te neglige pandan twò lontan", **Gouvènè Hochul te deklare**. "Pwojè sa a pral fè amelyorasyon sekirite enpòtan nan I-95 nan Bronx ak Konte Westchester epi li pral ofri non sèlman yon eksperyans kondwi ki pi an sekirite pou plizyè milyon Nouyòkè k ap kondui sou otwout la chak ane, men tou modènize enfrastrikti transpò eta a."

Pwojè I-95 la pral kòmanse ak reparasyon pave konplè, sa vle di manm ekipaj yo pral retire epi ranplase pòsyon ki pi deteryore yo sou yon twonson wout kat mil (ant 0 a 6 km), jiska soubaz li nan direksyon nò ak direksyon sid. Kouvri plis pase 38 km liy total, reparasyon yo pral amelyore entegrite estriktirèl wout la. Apre yo fin repare pave beton an, yo pral enstale yon revètman asfalt ki gen de kouch pou bay otomobilis yo yon woulib ki pi dous.

Operasyon pavaj ak majorite travay yo pral fèt lannwit pou diminye enpak sou otomobilis yo.

Lòt gwo eleman pwojè a se vas travay pon an. Ekip yo pral reyabilite 10 pon/ranp pou veyikil ak yon pon pou pyeton epi retire epi ranplase sipèstrikti sou de pon pyeton sou I-95 nan Bronx (youn nan 222nd Street ak yon lòt nan Dyre Avenue). Chak ranplasman estrikti siperyè pon yo pral fèt sou yon peryòd 48 èdtan nan yon wikenn ak sèvis navèt

gratis y ap bay pandan fèmti yo. Yo pral anonse dat sa yo ak plis detay nan yon dat apre.

Anplis de sa, amelyorasyon sekirite yo pral gen ladan novo tren gidaj, plis liy reflektif ak amelyorasyon nan baryè ak twotwa an beton yo. Tout travay yo prevwa fini nan fen 2024 la.

Restani Construction Corp., nan Queens, N.Y., se kontraktè pwojè a apre yon pwosesis òf konpetitif.

Direktè Egzekitif Pwovizwa Otorite Thruway la, Frank G. Hoare, te deklare, "Interstate 95 se yon lyen vital pou rezidan yo ak komès ant Vil New York epi New England, epi reyabilite seksyon sa a pral pote amelyorasyon alontèm, amelyore koneksyon kominotè yo, ak amelyore sifas kondwi pou plis pase 40 milyon pasaje ak veyikil komèsyal yo ki vwayaje nan koridò a chak ane. Pwojè sa a se yon lòt egzanp envestisman stratejikman sou revni peyaj nou an pou satisfè bezwen otomobilis yo ak komès k ap evolye nan rejyon twa eta yo."

Senatè Eta, Jamaal Bailey, te deklare, "Vwayajè ki abitye avèk twonson I-95 sa a byen konnen kondisyon deteryore ki te soulve pwoblèm sekirite pou kominote nou an depi lontan. Lè nou antreprann pwojè amelyorasyon pave sa a ki nesesè anpil, n ap fè yon gwo pwogrè nan direksyon pou amelyore sekirite pou vwayajè yo chak jou nan Bronx ak nan Konte Westchester, pandan n ap benefisyé sante ekonomik ak byennèt tout kominote nou an pou rezidan yo ansanm ak biznis yo. Pwojè sa a se yon envestisman nan kominote nou yo epi li pral gen yon enpak pozitif sou enfrastrikti rejyon nou an ak kwasans ekonomik pou ane k ap vini yo. Mwen vle remèsyé Otorite Thruway Eta New York la pou angajman yo pran nan envesti nan kominote nou yo, epi mwen pa ka tann finisman avèk siksè pwojè enpòtan sa a."

Senatè Eta a, Nathalia Fernandez, te deklare, "Yo byen akeyi amelyorasyon sa yo ki nesesè anpil la. Sa pral kontribiye anpil nan kreye kominote ki pi swa pou vwayajè ki sèvi ak koridò I-95 a atravè Bronx ak Westchester. Mwen felisite tou pwojè a paske yo fè pi fò nan travay la nan mitan lannwit pou pa afekte sikilasyon lajounen ak nan lè chaje yo."

Manm Asanble Amy Paulin te deklare, "Pwojè amelyorasyon pave I-95 la, ki travèse distri mwen an nan New Rochelle ak Pelham, e ki gen ladann ranp pou antre ak pou soti yo ki bezwen anpil reparasyon, se yon bon nouvèl pou plizyè milye rezidan ki konte sou I-95 lan chak jou. Mwen pral kontinye defann pwojè amelyorasyon enfrastrikti eta a tankou sa a ki ede rezidan yo epi sipòte ekonomi nou an."

Manm Asanble Michael Benedetto te deklare, "Mwen kontan tande ke amelyorasyon pave ki nesesè anpil yo pral vini nan twonson I-95 la nan distri mwen an ansanm ak amelyorasyon estriktirèl pon pou pyeton yo ke elektè m yo travèse chak jou."

Manm Konsèy Otorite Thruway Vil New York la, Kevin C. Riley te deklare, "Nou bat bravo pou Otorite Thruway Eta New York la paske li te koute apèl nou pou amelyorasyon nan New England Thruway la. Plan sa a pral amelyore sekirite pou alafwa chofè yo ak pou pyeton yo nan zòn ki antrelase kwen nou an nan Nòdès Bronx. Angajman pwojè a pou reyabilite siyifikativman pon pou pyeton Baychester ak Dyre Avenue yo pral ede konekte katye yo nan Co-op City, Baychester, ak Vale a. Reparasyon wout yo nan East Bronx ak Lower Westchester egalman enpòtan pou vwayajè ak chofè k ap viv, travay oswa bay machandiz nan kominote nou an. Yon remèsiman espesyal pou anplwaye Otorite Thruway la ak patnè yo nan gouvènman Eta New York la ki te rann pwojè sa a posib epi ki te garanti finansman enpòtan konsa. Ansanm, nou ka fè pi plis bagay."

Manadjè Distri #10 Kominote Bronx Ian, Matt Cruz, te deklare, "Kominote Bronx nou yo kontan dèské pwojè reparasyon pave I-95 la ap kòmanse. Reparasyon sa a ki nesesè anpil la pral amelyore kondisyon wout yo epi rann pi an sekirite youn nan otowout ki pi okipe nan Eta New York. Nan non Konsèy Kominote Bronx #10 la, mwen remèsy Gouvènè Hochul ak Otorite Thruway Eta New York la pou angajman sa a."

Chofè veyikil amotè yo gendwa jwenn gen liy ki fèmen sou New England Thruway lan ansanm ak chanjman nan mouvman sikilasyon an ak andwa kote machin yo dwe ret kanpe pandan travay konstriksyon yo ap fèt. Chofè veyikil yo ta dwe respekte limit vitès ki afiche nan zòn travo yo epi y ap raple yo ke amann yo double pou vitès nan yon zòn travay la. Konfòmeman ak Lwa 2005 sou Sekirite Zòn Travay (Work Zone Safety Act) yo, kondanasyon pou de oswa plis vyolasyon vitès limit nan yon zòn travay kapab lakkòz yo revoke lisans yon moun.

Bidjè 2023 Otorite a ke yo te apwouve a envesti yon total 413 milyon dola pou sipòte Pwogram Kapital li a, ki pwogramme pou envesti 1.9 milya dola nan pwojè kapital jiska 2027.

Pou mizajou sou enfòmasyon sou sikilasyon yo, nou ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy iPhone ak Android yo. Aplikasyon an bay otomobilis yo aksè dirèk nan tan reyèl ak asistans pou navigasyon pandan yo sou wout.

Epitou, vwayajè yo ka vizite [Kat Vwayaj](#) Otorite Thruway a ki anime e ki ofri aksè pou wè kamera sikilasyon yo nan tan reyèl. Otomobilis yo ka enskri tou pou yo resevwa [imèl TRANSAler](#) k ap bay dènye enfòmasyon sou kondisyon sikilasyon sou Thruway a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)